



## 編者的話

不經不覺，已經踏入三月份了，春意綿綿！

因為疫情的關係，以往寄養服務每年都舉辦的活動，今年都改為網上形式進行。雖然大家未能面對面接觸，但幸好仍能以科技連繫著大家！

但願疫情盡快過去，我們能見面相聚！

疫情期間，寄養家長茶聚改為以 ZOOM 進行！臨床心理學家與大家分享了寄養家長角色對寄養兒童的重要性。



感謝每位支持活動的寄養姨姨！



# 離院兒童分享

我叫亞 B, 已經 18 歲啦! 住係寄養家庭 13 年, 當要離開這個家庭真係非常唔捨得, 唔想冇左呢個咁好嘅家庭, 都會好失落, 好想永遠都留嚟度……

這 13 年, 我發現我住得好開心, 同寄養家庭相處得十分之好, 日常都會不停同佢地傾偈同玩。佢地都成日帶我去一啲地方食嘢, 我覺得自己真係好幸福, 竟然一個寄養家庭都會帶我去咁多地方食嘢, 我都會成日諗, 假如我唔係住係這個寄養家庭, 會唔會好唔同呢? 真係唔知, 亦都有辦法知道。

我同這個寄養家庭相識就係一種緣份。這 13 年, 有時我都會犯錯, 但佢哋都會積極咁教導我, 從來都有放棄過我, 反而有時我會嫌佢哋煩! 但係諗深一層, 佢哋都係為咗我好所以先同我講咁多嘢, 佢哋唔理你嘅話就唔會用咁多時間, 同咁多精力同我講道理, 所以我覺得我真係好幸福, 我永遠都會記住佢同我講過嘅嘢, 佢哋就好似我嘅再生父母一樣, 不停教導我, 如果唔係佢哋嘅話, 都唔會有今日嘅我, 為左照顧我, 基本上係冇得放假, 日日都照顧着我, 雖然佢哋都有放過假, 但佢哋都唔會埋怨, 佢哋唔會當呢份係工作, 而係一份義工, 同時佢哋亦都當左我係佢哋嘅屋企人, 所以佢哋先唔會介意, 唔會埋怨。佢哋最驚我搬咗出嚟會學壞, 但係, 我會記住佢哋講嘅嘢, 一定唔會學壞! 我堅持着自己嘅信念, 亦都唔會辜負佢哋對我嘅期望, 所以一定唔會學壞。

其實寄養家庭係一個偉大嘅服務, 佢哋嘅偉大從來都唔會表現出嚟, 卻會喺背後默默地付出, 引導孩子成長。而家我已經離開咗寄養服務, 但係我都會約佢哋出嚟食飯傾偈, 我哋嘅關係並無因為我離開而疏遠, 仍然像一家人一樣。我喺度想希望更多家庭可以成為寄養家庭去照顧有唔同需要嘅孩子, 因為其實喺香港, 有好多孩子都係十分之需要一個家庭, 一個溫暖嘅家庭, 唔係個個孩子出世嗰陣都會享有幸福, 但係佢哋嘅幸福係可以由你哋創造出來, 所以我喺度再次希望有更多嘅家庭可以為孩子付出更多嘅貢獻, 成為一個又溫暖嘅寄養家庭, 多謝。

亞 B 精美嘅畫作:



# 與親生家人合作短片

為配合今年主題，今次誠邀了兩位寄養家長分享加入寄養服務的歷程，以及她們和親生家人合作的心得，並拍成七分半鐘的短片。亦感謝兩位寄養家長與我們分享了與家人合作的心得。



天水圍陳太經親友介紹加入寄養服務，至今已13年。陳太認為應該體諒親生家人的困難，並協助寄養兒童明白家人的愛。



馬鞍山蔡太從報章中認識寄養服務，加入了寄養服務一年半。蔡太認為多了解親生家人的性格及習慣，有助與他們合作。避免在寄養兒童面前批評他們的家人。

謝謝兩位的分享！現附上相關網上連結和二維碼，歡迎各寄養家長重溫，彼此學習、彼此勉勵。

<https://www.dropbox.com/s/v8dh5mzs5pb5fi7/%E8%88%87%E5%AE%B6%E4%BA%BA%E5%90%88%E4%BD%9Cmovie%20FINAL%EF%BC%81.mp4?dl=0>



## 寄養服務宣傳活動

聖基道於2021年3月13日首次舉行一小時的「Super 媽媽傾吓偈」網上分享會，誠邀加入寄養服務兩年的寄養家長 Carrie 姨，分享她加入寄養服務的原因，與及她的管教育兒心得，尤其分享她如何在家中推行自主學習，值得參考。

當日出席的家長有30多位。大家都得到很多啟發和點子，獲益良多。寄養服務社工稍後會轉寄相關網上連結和二維碼，歡迎寄養家長一起重溫。

詳情請向寄養服務社工查詢！

# 重溫寄養服務手冊

- ◇ ~兒童患病時不應使用非註冊醫生處方的藥物或自行購買成藥
- ◇ ~為兒童提供多元適齡的活動
- ◇ ~確保兒童受到保護和公平對待
- ◇ ~不可私下將寄養兒童交由他人照顧
- ◇ ~切勿讓寄養兒童以「爸爸媽媽」稱呼自己
- ◇ ~尊重兒童的個人資料，切勿在社交平台上發放兒童的資料及相片。
- ◇ ~若為兒童墊支費用，應先與社工商討。
- ◇ ~若寄養家長有任何變故，應立即通知社工。
- ◇ ~除非有特殊理由，避免在寄養服務期間突然終止服務。
- ◇ ~如親生家人未能履行協定，盡早與社工商討。
- ◇ ~可與親生家人訂定通話次數及時間
- ◇ ~切勿與親生家人私下自訂任何協議
- ◇ ~協助兒童接受所需的輔助服務或訓練
- ◇ ~協助兒童進行家居訓練或練習
- ◇ ~善用寄養兒童生活津貼（課外活動、普通科門診費、全日制學校的午膳費）
- ◇ ~不應申請午膳津貼

寄養服務通訊 網上版

[http://www.skhsch.org.hk/download\\_area/publications/mother](http://www.skhsch.org.hk/download_area/publications/mother)

編輯：寄養服務社工 陳紫欣

督印：服務總監 鄭健忠

P.4



聖公會聖基道兒童院  
寄養服務

## 寄養服務

地址：香港北角百福道 21 號  
香港青年協會大廈 15 樓  
電話：2520 1632  
傳真：25299979